

潮人帮

Color 采编幕后之 秒出大片有贴士

关注《可乐生活》的朋友，应该都会发现，我哋期期都有靓爆嘅大片出街。呢啲大片究竟係点样诞生嘅？影唔同嘅拍摄主体时有乜讲究？等Color带大家揭秘大片背后嘅故事啦！

黄芷晴/文 Color团队/图

摆盘有讲究



「珍馐一出炉，美味程度就会开始急速下降，摆相都会变差。我哋钻研各种摆盘姿势，keep住食物最好嘅状态，令画面更加饱满，将食物最诱人嘅状态呈现俾大家。快门一秒钟，但摆盘就要十几分钟。虽然图片唔会有味，但如果大家一睇到啲相就忍唔住流口水，咁我哋就成功了。」

架势要贴身



「古语有云，『巧妇难为无米之炊』，纵使你有身拍摄技巧，冇一件趁手嘅架碟，都好难拍大片。我哋嘅摄影器材就係我哋最亲密嘅partner，去边度外勤都带紧身边，一起拍住上。睇我哋架势，包抄晒前后左右嘅角度，咁有默契，绝对可以摆满分。」

角度需取巧



「点样先可以让影出嘅model会最抢眼？Model企边度先可以同背景最啱key？由边度影画面先会最和谐？呢啲问题要实地多观察，并且尝试多个角度，最终会搵出最完美嘅角度。想知道呢啲咁有意境嘅楼梯，藏喺广州边个角落？记得往后睇。」

姿势好百变



「大家睇到张相，係咪都觉得爱意溢出图片咧？再细实小小都完全冇问题，我哋係pro嗰嘛！为咗更好嘅画面，小伙伴敬业到爆棚，无论係点样嘅高难度姿势，只要相好睇，一字马就都照做。其实有爱、专业，就係我哋可乐生活嘅日常。」

兴趣班



“粤剧猫”可以几潮、几百变？10月9日，喺“粤剧猫IP形象设计征集大赛第二期粤剧公益课堂”上，一班巧手同学仔运用粤剧、时装、可乐报等元素做设计，创作出好多优秀嘅“粤剧猫”作品，令人眼界大开！

洗颖樱/文 洗颖樱、麻仲钰、陈沅澄/图

粤剧猫 潮look大比拼

名师点拨


今次公益课堂是由羊城晚报报业集团、广东省繁荣粤剧基金会主办，邀请了两位专家老师同大家分享创作经验。其中，广东粤剧院一团舞台队长、粤剧服装专家秦志力老师，1984年参加广东粤剧院工作，从事粤剧服装的管理和设计，获一级舞台技术职称，为《洞庭良缘》《伦文叙传奇》《狸猫换太子》等50多个有名的粤剧剧目设计过服装；2021年，被《粤剧艺术表演大全》编委聘请为主持舞美卷服装撰写工作的专家。

作品奇妙

广东女子职业技术学院服装设计专业的黄娟老师，还在学院带来了15位服装设计专业的同学当场PK。大家要在线稿的基础上或者在空白纸上创作，以粤剧融合时装完成一份具有国潮特色的“粤剧猫”时装设计。在她们嘅奇思妙想同一双巧手下，风格多元化的“粤剧猫”跃然纸上，有国潮风格的，有偏现代时尚风格的，也有经典剧目风格的。最好玩嘅，Color君发现，同学们还巧妙地将可乐生活报中报道的潮流元素，与主办方提供的粤剧经典服饰贴图相结合，让粤剧和潮流元素你中有我、我中有你，创作出富有岭南广府文化特色又Q萌可爱的“粤剧猫”，每一幅作品都係出圈之作。



时装结合粤剧服装中的披肩与旗袍。



同学们为粤剧猫描绘出眼睛，各种眼神都好生动。



同学们结合了广府非遗中的饼印素材，“非遗”也可以很时尚。

梁竞徽

时刻准备 迎接机会



「可乐君真係好中意『搞搞阵』，最近物色了“特约主持人”帮手做厨。首part参与“面试”嘅演员胡炯龙，佢《黑金风暴》《家族荣耀》等多部剧集中，都有出色表现。但用一系列辛辣问题，为大家层层剖析自己嘅好兄弟梁竞徽（原名梁烈唯），可乐cover star新闻报道现在开始！」

郭玮文 陈祉伶、受访者提供/图



唔做演员，只做明星？

胡炯龙：做“演员”或者“艺人”，係你儿时嘅梦想？梁竞徽：细个嘅时候，我有过要做“演员”嘅，嗰时都唔知咩嘢叫“演员”，我细个嘅时候，只想做“明星”。拍完第一个电影，我就觉得自己唔可以坐地铁搭巴士，我觉得大家都认识我，几咁天真。

当梁竞徽经历过训练班，又投身拍戏后，先真正搵到自己“演员”嘅定位：“唔好觉得係呢个机会令你变好，我哋应该不断努力，一路准备着迎接机会先啱！”作为一个公众人物，顾家嘅梁竞徽最怕就係会影响到屋企人嘅生活，所以佢唔会去关注过多关于自己嘅花边新闻。不过，佢会去重温自己嘅各种专访，将呢啲素材当作自己每个阶段嘅节点，从中睇到自己嘅不足或者进步，激励自己做得再好。



爱做“坏人” 警醒大家

胡炯龙：入行咁多年，演过好啲嘢嘅角色，有正能量嘅又有反派，自己偏向中意边一类多啲？梁竞徽：我觉得反派嘅角色係好玩啲嘅，因为发挥嘅空间可以大啲。即使佢嘅反派角色，出嚟都好正能量，可以有警世嘅作用。

梁竞徽在自己嘅职业生涯中贡献过好啲经典角色，从《飞虎》嘅狙击手，再到《使徒行者》嘅“木虱”，仲有好经典嘅“反派”Kenny……睇最近嘅《飞虎3》里面，佢饰演内敛神秘嘅化学博士“许森”，对佢来讲係一个全新人设嘅演绎，但从中睇到自己演技上嘅成长。



做好自己，寻求突破

胡炯龙：最近你内地生活同工作啦，有咩特别嘅感受啊？梁竞徽：呢边嘅人，对新事物嘅接受程度好高啊，大家嘅思维都转得好快，都会去尝试新嘅事物。而来到广州，觉得最神奇嘅就係，呢边可以好容易食到港式味道。

毕竟在外打拼，“家乡味”係梁竞徽心心念念嘅情愫，西华路一碗筒骨简单嘅炸酱云吞面，有满满嘅港味不单止，仲令到佢未食完就想返寻味。广州呢个城市真係包容又多元化。食多啲就早起做多啲运动，正如有机会就要努力把握，呢啲係佢感恩所有、突破自己，再慢慢体验生活所得出嘅感悟。佢觉得“演员”都係普通人，演员亦都需要生活，体验更多、尝试新嘢，先可以创造更多精彩。



“特约主持人”胡炯龙

佢係《黑金风暴》里面，用演技惊艳咗大家嘅“陈逸东”；佢仲係《家族荣耀》中唯一一个“好男人”程峰。对于呢两个角色嘅表现，胡炯龙好自信咁俾自己满分好评。从互相有“牙齿印”到依家亲如手足嘅好兄弟，炯龙话，竞徽佢经历低谷嘅时候，鼓励佢支持佢，先令佢可以搵翻自己之余又重新振作。睇多嘅平台搵到自己嘅价值，佢依家一直努力紧嘅嘢。今次炯龙Color首次营业就咁成功，相信未来佢都会keep住呢份热情，创造更多未知。

